

# Goibekokale

ELGETA / Barikua / 2005ko urtarrilaren 14a / 211. zenbakia

KOORDINATZAILEA: Irati Agirreazaldegi • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

## Goibeko Kultura Elkartearen aurtengo kanpainan 50 elgetar egin dira bazkide


IRATI AGIRREAZALDEGI

Goibeko Kultura Elkarteak 50 bazkide berri lortu ditu urtarrilean egin duen kanpainan, beraz, 180 ditu orain. Oraindik nahi duenak bazkide egiteko aukera du. Bazkideek, besteak beste, deskontuak izango dituzte Espaloiko ekintzetarako sarrerak erosterakoan.

Bazkidetza kanpaina ipini du abian Goibeko Kultura Elkarteak urtarrilean. Azken hiru urtetan 130 bazkide izan ditu elkarteak, baina kanpaina hasi denetik 50 elgetarrek eman dute izena.

Helduek 35 euroren truke jaso dute bazkide txartela. Trukean, Espaloian egiten diren ekintzetarako sarrerak merkeago erosi ahal izango dituzte baita Asteleheneko Goienkariko harpidetza ere. Bestalde, aurtengo lehenengo aldiz, haurrengana ere zabalduko da bazkidetza. 10 euroren truke bazkide izango dira eta haiek ere deskontuak edukiko dituzte. Baliteke datorren urtean familiek ere bazkide egiteko aukera izatea.

Bazkide egin nahi dutenek herriko tabernetan edo Espaloian



Gabonetan Espaloian egindako herritarren jaialdia oso arrakastatsua izan zen eta jende askok hartu zuen parte.

aurkituko dituzte horretarako paperak. Lehendik bazkide direnei, berriz, urtarrilean kobratuko zaie kuota, eta txartela Espaloian jaso beharko dute.

### BALORAZIO POSITIBOA

Espaloia kafe antzokia zabaldu zutenetik lehen balorazioa egin zuten abenduan arduradunek eta oso balorazio positiboa izan zen.

"Formulak funtzionatzen du: taberna eta jatetxea ondo doaz eta horrek laguntzen du kulturako zuloak tapatzen. Parte-hartzea handia izan da bai antzerkietan,

*Lehendik bazkide direnek Espaloia aretoan jaso beharko dute txartela*

bai hitzaldietan, baita film emaldietan ere", esan zuten.

Kultura programazioan 18.000 eurotik gora gastatu dituzte eta ia 4.000-5.000 lagun bildu dira.

Bide beretik jarraitzea da euren asmoa, eta datozen hilabeteetan ez da ekintzarik faltako.

### HURRENGO EKITALDIAK

Gaur, Danbaca musika lehiaketako finala izango da 22:30ean Espaloian, eta zapatu gauerako Polito Ibañez kubatarraren kontzertua dago iragarrita.

Bestalde, eguenean 20:00etan Jon Abrilen Txinari buruzko diapositiba emanaldia izango da.

Urtarrileko ekitaldi nagusia Gariren kontzertua da, hilaren 21ean izango dena.

Otsailerako eta martxorako ere antolatuko dute ekitaldirik.

## HERRITARREN HITZA / Ana Gillegi • Kazetaria

### Legez kanpoko adopzioak

2004ko azaroko arratsalde baten etxeko telefonoan norbait deika. Beso artean dudan alabatxoa ohean etzaten dut eta banao.

Elkarrizketa benetakoa da Moztu egin ditut berak niri eta nik berari zuzendutako biraokak.

- Arrasti on, Ana Gillegi ?
- Bai halaxe da.
- Anichi elkartekoa?
- Bai hori da.
- Begira ba, 58 urte ditudan emakume bat naiz eta Txinan adoptatu nahiko nuke.
- Ba sentitzen dut baina Txinak ez du onartzen 55 urte baino gehiago duen pertsonen eskaririk.

- Hori entzun dut, baina neskatala txinatar bat izateko irri-kaz nago, hain di-ra exotikoak, begi horiek... ez dakit zer duten, horrela-ko bat ikusi dut Castron asteburuan eta...

- Barkatu andrea baina adin horrekin hasteko ezingo zenuke eta...

- Badakit zer esan behar didazun baina ez dut diputaziora joateko asmorik paper ofizialik egitera, ez bainaiz ondo moldatzen beraiekin.



**"Umeek dute gurasoak izateko eskubidea, ez alderantziz"**

- Andrea, adinagatik ezin duzula hori argi dago, baina edozein adopzio egiteko, derrigorrez eskatu behar diozu Foru Aldundiari egokitasun ziurtagiria.

- Hori ez da horrela, momentuan dirua dut ordaindu behar zaionari ordaintzeko...

- Nahiko esan duzu. Ez nik ezta nire elkarteak ez dizugu lagunduko legez kanpoko adopziorik egiten.

- Hori ez da legez kanpoko! Goseak baino hobe leudeke gurekin...

Harrituta? Ba ni ez. Egunetik egunera kasu gehiago daude; "goseak baino gurekin hobe" bezalako esaldiak ugarituz doaz eta pentsaera haiek dituzten pertsonak, umeak ez dituzte maite; umeak objektu soilak bihurtzen dituzte. Munduaren alde honetan dena nahi dugu, baita guraso izan, kosta ala kosta. Gurasoak ez dugu seme alabak izateko "eskubidea". Adoptatuak izan edo ez umeek dute gurasoak izateko eskubidea, ez alderantziz.

## LABUR

### Azoka txikian 1.000 euro jaso zituzten ekaineko jairako

Abenduaren amaieran Eskola Txikian Jairako dirua biltzeko azoka txikia egin zuten Elgetako plazan. Umeek egin zituzten dendari lanak eta gutxira 1.000 euro jaso zituzten ekainean egingo duten jairako. Antolatzaileek esan digutenez, jostailuak, liburuak eta bideoak saldu ziren gehien. Eskerrak eman nahi dizkiete azokarako gauzak emanez edo erosketak eginez parte hartu duen jendeari. Datozen ekintzetan parte hartzera ere gonbidatu nahi dituzte.

LIBURUA

# Juan Cruz Juaristiren Ruandako bizipenak liburu batean jaso dituzte

I.A.

Elgetan apaiz diharduen Juan Cruz Juaristi zarautzarrak Ruandan bizitakoak liburu batean jaso eta argitara eman dituzte. Gaur bertan aurkeztuko dute liburu, Orion, eta aurkezpenean liburuaren egile Rikardo Uzkudun ere izango da.

Gaur egun Elgetako parrokiako apaiz lanetan dihardu Juan Cruz Juaristik. Baina misiolari moduan 36 urte eman zituen Ruandan.

Orain, Rikardo Uzkudun oriotarrak Juaristiren Ruandako bizipenak liburu batean jaso ditu.

Gaur bertan aurkeztuko dute Orion Ori-Zautz Ruandaren aldeko gobernu kanpoko erakundeak kaleratu duen liburu.

**HISTORIA ETA ELKARRIZKETA**

Juan Cruz Juaristi eta Ruanda: Gogoia Afrikaren bihotzean da liburuaren izenburua, eta bi zati ditu. Lehenengoan Juan Cruzek berak idatzi eta Ricardo Uzkudunek laburtu eta euskaratutako Ruandako historia agertzen da. Bigarrenean, berriz, misiolariari egindako elkarrizketa luzea.

Liburu gaur aurkeztu eta jende artean zabaltzea da asmoa. Horretarako Elgetan elizan bertan eskuratu ahal izango da eta baliteke salgai ere ipintzea.



Juan Cruz Juaristi, Elgetako apaiza.

KIROLAK

# Ordutegia egongo da frontoiko argia pizteko

I.A.

Pilotalekua arratsaldean erabilera liberako lagatzea erabaki du Udalak. Horretarako ordutegi bat zehaztu dute eta denbora tarte horretan pilotalekuko atea irekita izango da eta baita argia piztuta ere. gainontzeko orduetan erabilteko alokatu egin beharko da.

Udaletik jakinarazi digutenez, iazko abenduaren 13an hasi eta aurtengo apirilaren 3ra bitartean pilotalekuko argiak piztuko dituzte astean zehar eta jaiegunetan arratsaldean.

Horretarako, ordutegi zehatz bat ipini dute: astelehenetan 16:30etik 18:30era; martitzenetan, eguaztenetan eta eguenetan

16:30etik 18:00etara; eta barikuetan eta asteburuetan, 17:00etatik 19:00etara.

Zehaztutako ordutegi horren barruan edozeinek erabili ahal izango du pilotalekua jolasteko edo kirola egiteko.

Hala ere, arduradunek argi utzi nahi dute denbora tarte hori erabilera librekoa izango dela. Beraz, pilotalekua ezin izango dute pertsona gutxi batzuek euren jolasetarako soilik hartu.

Ordutegi horretatik kanpora pilotalekuak hutsik egon beharko du. Izan ere, erretserba egina dutenek bakarrik erabili ahal izango dute.

Pilotalekua alokatu nahi dutenek Udal Kirol Zerbitzura edo Kiroldegira jo beharko dute informazio eske.

ELKARTASUNA

# Udalak 1.280 euro inguru banatu ditu gizarte erakundeei laguntzeko

I.A.

Gobernu batzordeko azken bileran adostu zuen Udalak gizarte zerbitzuekin zerikusia duten hainbat erakunderi eta Hirugarren Munduarekin lan egiten dutenei dirulaguntzak ematea.

Gizarte arloan gaixo psikikoekin lanean diharduen Agufes elkarteak eta adimen urrikoekin


jarduten duen Atzegik 277na euro jasoko dituzte. Kontuan hartu dute, esaterako, orain dela gutxi Agufesek Bergaran bulegoa ireki duela.

Txernobil elkarteari 63 euro emango dizkiote. Elkarte horren bitartez azken urteotan umeren bat ekarri izan dute herrira udan, euren herrialdeetan dituzten arazoetatik ihes egiteko.

**HIRUGARREN MUNDUA**

Dirulaguntzak jasoko dituzte baita ere Hirugarren Munduko herrialdeengatik lanean diharduten hainbat taldek.

Oscar Romero elkartearen dako 171 euro izango dira; beste horrenbeste euro bideratuko dituzte Haitiko eta Dominikar Errepublikako uholdeengatik kalte-tutakoei laguntzeko.



Udal Pilotalekuko ordutegia zehaztu dute erabilera liberako.



## Alex Arantzabal eta Alberto Telleria berriz txapelak

Gabon Zahar egunean jokatu zen heteranoen lau t'erdiko txapelketako finala. Aurten iazko txapelak berriz ere izan dira irabazle. Arantzabalek eta Telleriak 22 eta 17 irabazi zuten partida Moralesen eta Arantzabalen aurka. Egun berean umeen pilota txapelketako finalak ere izan ziren jokoan. 42 ume hartu zuten parte eta irabazleak honakoak izan ziren: Josu Zezeaga, Maitena Mañarikua, Mikel Beretxinaga, Eneritz Larrea eta Mikel Agirregomezkorta. Sariak Aitor Elkoro eta Jose Mari Zezeaga pilotariak banatu zituzten./I.A.

LABUR

## Goibeko elkarteko loterian jokaturako dirua kobratzeko aukera gaurtik aurrera

Goibeko elkarteko loteria erosi zutenek jokaturako dirua bueltan jasotzeko aukera izango dute. Gabonetako loteriako sari nagusiaren zenbakia bezalaxe, Goibekok saldutakoa ere zero zenbakian amaitu da. Dirua kobratzeko, gaur hasi eta urtarrilaren 29ra artean barikuetan 19:00etatik 20:30era bitartean eta zapatuetan 11:00etatik 12:30era artean joan beharko da Espaloiko sarrerara.

## KZ guneko irakaslea urtarrilaren 19an goizez egongo da zalantzak argitzeko

KZ guneko arduraduna hamabostean behin izaten da Elgetako gelan, nahi dituenari azalpenak emateko. Orain artean arratsaldean egoten bazen ere urtarrilaren 19an goizez egongo da 09:00etatik 13:00etara bitartean. Otsailean, berriz, arratsaldean 16:00etatik 18:00etara, otsailaren 2an eta 16an, hain zuzen ere.

## Pili Arinek irabazi zuen Gabonetan egindako zuhaitzen lehiaketa

Gabonetako zuhaitzen lehiaketan guztira 22 lan aurkeztu dituzte. Partaideak askotarikoak izan dira, bai helduak eta baita umeak ere. Erabilitako materialak ere asko: kartoia, alabrea, burdina... Irabazlea Pili Arin izan da; landareekin egin zuen zuhaitza.

## ALBAITARIAK

**ARATZ KLINIKA (Lazpiur Roman)** Zurradero 6, behea. 943 76 70 67 / 607 48 71 19

**ETXEBERRIA Julio (Debagoieneko al baitari ofiziala)** 609 54 16 13

**IRASTORZA BENG OA Sabin (Granjako animaliak)** Iribar baserria, ANTZUOLA. 943 76 63 46

## ANALISI KLINIKOAK

**LABORRA Isabel** Oxirondo 4, 1-B. 943 76 32 06

## BARNE MEDIKUNTZA

**IRIGOIEN Victor** Oxirondo 4, 1-B. 943 76 32 06

## DENTISTAK

**AGIRRE HORTZ KLINIKA** Ibargarai 9, 1-B. 943 76 00 23

**ARAMBURU HORTZ KLINIKA** Telesforo Aranzadi 1. 943 76 02 46

**ASTIAZARAN SOLOZABAL** Iparragirre 1, behea. 943 76 27 95

**BERGARA HORTZ KLINIKA** Bidekurutzeta 36, behea. 943 76 05 77

**GOROSABEL J. Alberto** Fraiskozuri 5A, 1-D. 943 76 56 88

**CAVIGLIA Silvana** S. Arrieta 3, 2-B. 943 76 38 54

**IRIARTE Idoia** Artekale 1, 1-C. 943 76 01 65

**SAINZ Ana** Herriko plaza 4, ANTZUOLA. 943 78 71 69

**TRIPALDI Enrike** Justo Garate 1. 943 76 70 76

## DIETISTAK

**ALBERDI Mireia** Olanar etxea, Herriko plaza 3, ANTZUOLA

Ibargarai 44, BERGARA. 943 76 60 45 / 646 43 34 58

## ERREHABILITAZIO FISIKOA

**LOPEZ DE MUNAIN Francisco J.** Fraiskozuri 8, 1A. 943 76 71 74

## FISIOTERAPEUTAK

**ARZAK Miren** (Jarrera-berreziketa orokorra). Artekalea 1, 1-H. 943 76 43 71

**BASTERRETXE A, Maria** Artekalea 1, 1-H. 943 76 43 71

## MASAILARIAK

**AZPEITIA Irune** Ibargarai 44, behea. 943 76 73 43

**CASANELLAS Jabier** Boni Laskurain 5, 2-E. 943 76 03 78

**ETXEBERRIA Ana** Errekalde 6, behea. ANTZUOLA. 943 76 60 13

## MEDIKUNTZA ESTETIKOA

**BENITO Isabel** Bidekurutzeta 46, behea. 943 76 52 62

## MEDIKUNTZA OROKORRA

**OXIRONDO KONTSULTATEGIA** Boni Laskurain 2, behea. 943 76 20 50

## OTORRINOLARINGOLOGOA

**IGARTUA ALMANDOZ Julian** Barrenkale 35-1 ezkerre. 943 76 70 91 630 653 202

## PODOLOGOAK

**IKERLEKU PODOLOGIA ZENTROA** Ikerleku Zeharbidea z/g. 943 76 07 84

**AZPIAZU Arantzazu** Herri Lagunak z/g. 943 76 41 32

## PSIKIATRA

**GALLASTEGI Pablo** San Martin Plaza 2, 1-ekz. 943 76 26 64

## PSIKOLOGOAK

**PSIKOPEDAGOGIA ZENTRUA** (Logopedia-foniatria, psikologia, psikomotrizitatea). 943 76 14 80

**URKAREGI Pakita** (Psikologo klinikoa). 943 76 53 13

**ZUBILLAGA ZABALA Marisa** (Psikologo klinikoa). 943 76 30 76

## YOGA

**SAMADHI YOGA** Masterreka 13, behea. 943 76 11 38 / 639 235 753

BERGARAKO  
**OSASUN GIDA**  
OSASUNEZ BIZI IZATEKO.